

明詩正聲

自一至三

柳田文庫
文庫11
D 174
1



文庫11
D174
1

明詩正聲敘

余向讀高廷禮所選唐詩品彙盡一代之風雅歸一人之矩矱至所稱正始正宗大家名家羽翼接武等類如吹竽

明詩正聲

穆序

奎文館藏

010190557826

48-12144

而聽比櫛而數無不犁然有
當者復就其中摘爲正聲一
部計卷二十二計詩九百餘
首鏗金鏘玉近與選詩並傳
遠則幾爲二百篇繼響矣余

惟

明興以來太平文物萬倍於
唐其時鴻工詰匠亦駸駸乎
超而上之但文運方盛之時
無彙選其詩如正聲者是夫

當吾世而不得目睹其盛也
余小子不揣妄取

昭代諸名家集自洪永而下
隆萬而上其間名已著而人
已僊遊者稍爲次第一如正

聲之例甫半載而書成余撫
之蹶然曰聲以正稱豈偶然
哉必五音迭奏洪律不奸而
後可謂之正亦必十二律旋
相爲宮音節不爽而後可謂

之正。至一切促節繁響淫聲。
哇韻俱屏而不用。以是而準。
之詩。卽有挾天摹地之能。刻。
脂鏤冰之巧。而不軌於正者。
失之玄。卽有五車二酉之富。

雕龍繡虎之工。而不約於正。
者。失之安。卽有腸嘔五色鬚。
斷千莖而自立門戶。有乘於。
正者。亦辟焉而已。故差低差。
昂。欹左。欹右。俱不得與。而惟。

正者歸焉我

朝自高劉開其源李何邊徐
標其盛而王李諸君子又人
人赤幟家家牛耳迄今猶方
盛未艾總之聲出金石調合

律度無非同歸於正者卽以
之節八風成萬物動風雲而
致鱗羽亦曰無難題曰正聲
復何疑哉蓋詩者發乎情徵
乎聲而關乎氣運故吳季子

遍觀列國之樂。而治亂興衰。
一一品定。如我。

二祖。迅掃胡元。廓清中夏。

列聖覃敷文教。加意作人。以
氣運論正。如太和保合。以人

材論真。如金玉莫耶。則以見
之聲律。孰非元聲元韻之流。
布夫季子。而在且將。與二南
雅頌。竝稱敢謂。其未出於正
乎。獨念余小子。讀父書而不

能用先年纂明十二家。今復纂此一家之藏。有限一人之識。易窮。挂一漏萬。指白為黑。俱所不免。昔于鱗為詩。刪元美敘。云謂于鱗以意而輕退。

古之作者有之。謂舍格而輕進。古之作者則無是也。余不敏。不敢輕進。亦不敢輕退。惟取其有當於正者。錄之。然亦不過自任其管蠡之見。已爾。

不知有當於大方之閱覽否也。

萬曆癸丑中秋日漆園後學

穆光胤撰



明詩正聲序

詩自三百篇以後為李唐之
初盛可謂工之極矣梁隋入
於麗宋元病於纖均不足方
軌而馳惟明興以來如青田
金穀諸公皆

龍而起，相與翔，而黼藻之故
迄今，文章肖較，古昔而詩，遂
與周之初，唐之盛，三駕，顧為
周之初，唐之盛，易為明之詩，
難也。周於卯國，聘享，有喻志
之賦，省方貢，倍有歌風之采。

唐以上，此是無以取士，下非
是無以邀榮，故周詩之美，
於其用，與唐詩之工，於其
尚，至我朝，則聘享無賦也，方
欲世采也，取士自科制一試
而外，無庸也，以輕若此，獨能

明詩正聲
南序
九
奎文館藏

家唱戶和。人自心競。而力修
之本。周之靈。遵唐之毅。句或
富於梁。隋而無。其薄情。或愈
於宋元。而無其理。取而繫之。
以六義。皆風。移也。比之。以三
體。皆燕。許也。是其所為。信雅。

耳故常以世運策之。待其首
隆於周。中振於唐。而末掉於
昭代者。字魏郡。陳公際陽。來
佐吾越。政成。民和。時得厭。飯
於綺。咏因手出。明詩正。毅一
編授。余以此友人。穆生所定。

也余受而終讀之曰明詩乃
 是選真足並唐以上擬三百
 篇矣朝不數人上不數首而
 諸人之年神累朝之風氣並
 見互形所謂合諸風雅而躋
 諸燕許其在是選歟向每以

明文無論大小著述多選以
 行而詩獨無選時因哀文而
 惜之自是編出而余望滿卷
 敢不以是為陳公績
 萬曆丙辰秋
 賜進士第徵仕郎戶科給事

明詩正聲


卷八

十

奎文館藏

中奉

勅巡青會稽商周祚撰



明詩人姓氏爵里

高啟

字李迥號青丘長州人洪武間歷官戶部侍郎有正鳴集三十八首

楊基

字孟載吳郡人洪武間歷官山西按察使有眉菴集十三首

張羽

字來儀潯陽人洪武間歷官太常寺丞有靜居集二首

徐賁

字幼文吳郡人洪武間歷官河南左布政有北郭集五首

倪瓚

字元鎮號雲林子無錫人生於元季洪武初數徵不起七首

楊維禎

字廉夫號鐵崖會稽人元季儒學提舉洪武初應聘修史隱于雲間四首

張以寧

字志道福之古田人元末仕祭酒洪武初官翰林侍講有翠屏集四首

汪廣洋

字朝宗高郵人洪武初官中書以從征功進爵忠勤伯五首

劉基

字伯溫青田人洪武初官御史中丞兼學士封誠意伯九首



宋訥

濬縣人洪武間官祭酒三首

林鴻

字子羽閩人洪武間歷官比部員外十二首

林彌

字元凱閩之龍溪人洪武中聘官知府一首

袁凱

字景文華亭人洪武間御史五首

高棅

字廷禮三山人洪武間翰林典籍有漫士臺集撰唐詩品彙二首

郭奎

字子章巢縣人洪武間相府掾吏一首

劉仔肩

字汝弼番陽人洪武初

一首

顧瑛

字仲瑛號玉山崑山人洪武初隱於吳中名刺間有玉山稿州堂集二首

詹同

字同文婺源人洪武初官學士一首

甘瑾

字彥初餘干人洪武間官嚴州府同知一首

姚廣孝

法名道衍吳郡相城人永樂中官太子師贈榮國公有逃虛集五首

曾棨

字子啟永豐人永樂初及第官翰林學士有巢隄集五首

解縉

字大紳吉水人永樂間官學士二首

王偁

字孟陽閩人永樂間官翰林檢討有虛舟集六首

劉績

字孟熙號西江會稽人二首

浦源

字長源號東海無錫人永樂中官晉府引禮有長源集二首

王綬

字孟端號友石無錫人永樂間官中書舍人一首

王恭

字安仲號皆山閩中新寧人永樂中被薦內閣纂修有白雲樵唱集十二首

李禎

字昌祺廬陵人永樂間官河南左方伯二首

張和

字節之號篠菴崑山人正統間官浙江廉憲有篠菴先生集一首

桑悅

字民懌號思玄太倉人宣德中官長沙倅一首

丘濬

字仲深瓊山人景成間官大學士謚文莊有丘瓊臺集一首

李東陽

字賓之號西涯茶陵人天正間官華蓋殿大學士有懷麓堂集七首

吳寬

字原博號匏菴長洲人成化正間官宗伯兼翰林學士有吳文定集二首

莊杲

字華王號東橋吳郡人弘嘉間官南京刑部尚書三首

顧璘

字孔陽號定山江浦人成化間官吏部郎中二首

王九思

字敬夫號溪陂鄆縣人弘嘉中官翰林檢討改吏部五首

王守仁

字伯安號陽明餘姚人弘嘉間官兵部尚書以震濂功封新建伯四首

李夢陽

字獻吉號空同慶陽人寓大梁弘正中官江西提學一百二十八首

何景明

字仲默號大復信陽人弘正間官陝西提學副使七十二首

徐禎卿

字昌穀吳縣人弘正間官國子監博士徐勉功集十九首

邊貢

字廷實號華泉山東歷城人弘嘉間官南京戶部尚書二十九首

康海

字德涵號對山陝西武功人弘正間官翰林倪撰二首

王廷相

字子衡浚川儀封人弘嘉間官左都兼司馬八首

鄭善夫

字斷之號少谷閩縣人弘正中官南吏部驗封司郎中二首

孟洋

字望之號有涯信陽人弘嘉間官南大理寺卿二首

孫一元

字太初號太白山人關中人正嘉間監子西湖若溪之間四十一首

楊慎

字用修號竹菴四川新都人正嘉間官翰林修撰諫議謫戍滇南八首

張含

字愈光正嘉中鄉進士永昌人一首

薛蕙

字君采號西原亳州人正德中官吏部考功郎二十一首

沈周 字啟南號石田長洲人正嘉間隱士一首

陳沂 字魯南號石亭鄞人世居南都嘉靖中官山東參政一首

王廷陳 字祥欽號夢澤黃岡人正嘉間官禮科左給事中二首

文徵明 字徵中號衡山嘉靖初官翰林待詔六首

黃省曾 字勉之號五嶽山人嘉靖間鄉進士一首

王寵 字履吉號雅宜長洲人嘉靖間貢士八首

華察 字子潛號鴻山無錫人嘉靖中官春坊諭德翰林侍讀學士七首

屠應峻 字文升號漸山平湖人嘉靖中官春坊諭德三首

袁棗 字永之號胥臺長洲人嘉靖中官廣西提學副使三首

唐順之 字應德號荆川武進人嘉靖中官都御史三首

王維禎 字九寧號槐野陝西華州人嘉靖間官祭酒一首

羅洪先 字達夫號念菴吉水人嘉靖中官春坊贊善一首

沈愷 字舜臣號鳳華亭人嘉靖中官大僕寺卿三首

皇甫汈 字子循號百泉長洲人嘉靖中官南京吏部稽勳司郎中十一首

吳子孝 字純叔號海峰長洲人嘉靖間官浙廣參議有玉涵堂集一首

蔡汝楠 字子木號白石浙江德清人嘉靖間官南京大司空八首

王問 字子裕號仲山無錫人嘉靖間官駕部郎擢僉憲不就四首

馮惟訥 字汝言號少洲山東臨朐人嘉靖中官光祿寺卿輯詩紀五首

莫如忠 字子良號中江華亭人嘉隆間官浙江左方伯二首

吳維嶽 字峻伯號霽寰孝豐人嘉靖間官都御史二首

俞憲 字汝成號是堂無錫人嘉靖中官湖廣按察使輯盛明百家一首

顧存仁 字伯剛號懷東太倉人嘉靖間官太僕寺卿一首

陸師道 字子傳號五湖長洲人嘉隆中尚寶司卿一首

周天球 字公瑕號切海長洲人嘉隆間文學嘗應部院記室之聘一首

許穀 字仲貽號石城上元人嘉靖間太常寺卿一首

劉鳳 字子威號羅陽長洲人嘉靖中官御史一首

李攀龍 字子鱗號滄溟山東濟南人嘉靖中官河南按察使七十六首

李先芳 字伯承號北山山東濮州人嘉靖中官尚書司卿三十三首

謝榛 字茂秦號四溟山東臨清人正嘉間嘗遊燕晉間四十四首

俞允文 字仲蔚崑山人隱于嘉靖間二一首

黃姬水 字淳父號指山長洲人邑庠生二一首

王世貞 字元美號鳳洲太倉人嘉隆間官刑部尚書八十九首

王世懋 字敬美號麟洲太倉人嘉隆間官太常寺卿十六首

穆考功 韓文熙字敬甫號少春東明人嘉隆間官考功員外擢憲副不就進道園集四十七首

石星 字拱辰號東泉東明人嘉萬間官兵部尚書有懷忠堂稿九首

張佳胤 字肖甫號岷峽四川銅梁人嘉隆間官兵部尚書六首

徐中行 字子與號龍灣長興人嘉隆間官福建兵備副使江西布政使十二首

吳國倫 字明卿號川樓湖廣興國州人嘉隆間官貴州提學副使二十五首

梁有譽 字公實號蘭汀居士嘉靖中官官刑部主事十七首

宗臣 字子相號方城揚之興化人嘉靖中官福建提學副使二十九首

明詩正聲 卷之四 嘉靖間官太僕寺

盧柟

字次樞號浮丘濬縣人嘉靖中坐事逮繫十餘年上書得免十八首

張九一

字助甫汝寧人嘉靖中官都御史三十首

黎民表

字惟敬號瑤石廣東從化人嘉隆中官兵部職方員外二首

王叔景

字陽德號賜谷永嘉人嘉隆中官大參一首

南軒

字叔後號賜谷陝西渭南人嘉靖間官憲副一首

歐大任

字楨伯號崙山廣東南海人嘉隆間官河南光州學正三首

喬世寧

字景叔耀州人嘉靖間官學憲一首

余應舉

字德甫南昌人嘉靖官憲副一首

徐學謨

字叔明號太室嘉定人嘉靖間官尚書二首

朱日藩

字子介號射陂審應人嘉靖官湖廣副使一首

汪道昆

字伯玉號南溟徽州人嘉靖間官郎二首

方沈

字子及號詠菴莆田人隆慶間官郎一首

方新

字德新池州青陽人嘉靖間官御史一首

龔秉德

字性之濮州人嘉靖間官憲副二首

蔡可賢

字子齊號見菴成安人嘉靖間官憲副九首

方逢時

字行之號榜野鄂郡人嘉靖間官兵部尚書三首

唐鶴徵

字玄卿號凝菴武進人隆慶間禮部郎中一首

李民質

字文素號從野東明人隆萬間官河南方伯有兼葭園集二首

魏允貞

字懋忠號見泉南樂人隆萬間官都御史二首

魏允中

字懋權號崑真南樂人隆萬間官吏部郎中二首

莫雲卿 字廷韓 華亭人 隆萬間文學二首

朱察卿 字邦憲 號象岡 上海縣人 嘉靖間山人一首

沈明臣 字嘉則 四明人 嘉靖間文學一首

屠隆 字長卿 號赤水 寧波人 隆萬間官禮部員外十三首

余翔 字宗漢 號鳳臺 莆田人 舉人 隆慶間為全椒令一首

楊于庭 字道行 全椒人 隆萬間官兵部郎中一首

董復亨 字間庖 號太初 元城人 隆萬間官吏部郎中一首

李化龍 字于田 號霖寰 長垣人 隆萬間官兵部尚書三十五首

于若瀛 字文若 號念東 濟寧人 隆萬間官都御史七首

朱宗吉 字汝修 號太室 壽州人 隆萬間官保御五首

王穉登 字伯穀 號玉暉 長洲人 隆萬間太學一首

自洪永至隆萬共得一百二十人

明詩人姓氏爵里

月寺正聲 姓氏爵里 卷之六 舍齋

卷之十一 七言律詩二

卷之十二 七言律詩三

卷之十三 七言律詩四

卷之十四 五言排律

卷之十五 七言排律

卷之十六 五言絕句

卷之十七 七言絕句一

卷之十八 七言絕句二

右五七言古今體凡十八卷共詩一千一百六十二首

明詩正聲總目終

明詩正聲五言古詩目錄凡三卷

第一 二十一 家共四十八首

高啟 十首 楊基 二首

徐賁 一首 倪瓚 一首

楊維禎 一首 劉基 四首

林鴻 五首 高棟 一首

顧瑛 一首 姚廣孝 二首

王偁 二首 王紱 一首

丘濬 一首 吳寬 一首

李東陽 一首 顧璘 二首

王九思 一首 康海 二首

王守仁 一首 王廷相 四首

華察 四首

卷二 六家共七十一首

李夢陽 三十三首 何景明 十四首

徐禎卿 三首 邊貢 五首

孫一元 九首 薛蕙 七首

第三十七家共六十二首

李攀龍 六首 王世貞 十一首

李先芳 六首 穆考功 四首

石星 二首 王世懋 一首

盧柟 十首 俞允文 一首

謝榛 一首 皇甫汈 二首

宗巨 二首 吳國倫 二首

徐中行 一首 梁有譽 三首

馮惟訥 二首 于若瀛 一首

李化龍 六首

右通得四十四家共詩一百八十一首

明詩正聲五言古詩目錄

明詩正聲卷之一

漆園

穆光胤仲裕

刪訂

澶淵

陳素蘊仲獻

校刊

五言古詩一

高啟

寓感二首

美女生貧家。光艷人未識。遠聘入楚宮。揚蛾欲傾國。
朝遊瓊臺上。夕侍金輿側。奉歡擬千齡。秋風失顏色。
銜恩歸永巷。貞意徒寂默。高高天上星。墮作水底石。

人事盡如斯。推移嘆何極。

二

攬轡登太行。遙望洛北州。嶺函正西峙。黃河復東流。
百城無一堵。雲煙莽相繆。朝作冠蓋場。暮爲狐兔丘。
昔人爭此地。于戈迭相讎。當其得意時。連陌擁鳴驄。
百年奄忽盡。魂魄空來游。曷見采芝叟。眞栖無所求。
行行光祿塞。望望單于臺。天寒水泐盡。萬里孤軍來。
中國多荒土。窮邊何用開。

薊門行

春日懷徐記室賁

晨興理櫛罷。禽聲悅清旭。雨餘嘉樹新。色映春塘綠。
閱景感幽悰。步陰思往躡。攜手此逍遙。須君慰心曲。

聞張著作值雨宿陳山人園因寄

芳月抱深惻。佳遊闕追攀。聞君獨命駕。遠造幽人關。
春。蘭。花。絮。稀。啼。鳥。池。上。閒。留。連。宿。烟。閣。尊。酌。解。離。顏。
遙想清夜徂。鳴絃竹林間。非因雨成滯。興愜自忘還。

病中住棲雲堂

窻。白。鳥。聲。殘。曉。鐘。度。溪。水。此。時。幽。夢。迴。獨。在。空。山。裏。
松。嵐。留。佛。燈。葉。地。響。僧。履。余。心。方。湛。寂。無。使。羣。動。起。

曉起春望

明詩正聲

卷之二

七

卷之二

今朝有春意。原野晴始綠。疎花未破烟。新禽稍鳴旭。
物情各欣榮。客意胡刺促。居閒厭寂寞。從仕愁羈束。
兩事不可齊。人生苦難足。安得長放歌。花開酒醅熟。
送程校理遊江上

風亭曩離管。艸綠江水暮。送此南浦人。孤帆雨中渡。
別觴足自緩。前驛花滿路。春叢戀山鷺。剡絮迷汀鷺。
我今獨愁居。芳月誰與度。佇立望遙波。相思積烟霧。
獨酌
白日下遠川。寒風振高柯。蕭條掩關臥。暮雀忽已過。
我有羈旅愁。鬱如抱沈疴。起坐呼清尊。獨飲還獨歌。

一甚解物累。再酌迴天种。數觴竟復醺。翻恨愁無多。
所以古達士。但飲不顧他。回頭向婦笑。戚戚終如何。

答內寄

落月入曉閨。相思不須啼。我非秋胡子。君豈蘇秦妻。
風從故鄉來。吹詩達京縣。讀之見君心。寧徒見君面。
拔艸不易絕。割水終難開。行雲會有時。飛下巫陽臺。
莫信長安道。花枝滿樓好。白馬繫春風。離愁坐將老。

楊基

送匡東宋處士還廬山

驂騑駕玉輅。志不忘春艸。譬如藜藿人。但識桑麻好。

明詩正聲

卷之二

三

全宋文

十年遺憂患。退縮苦不早。回念春江魚。洋洋在芹藻。聰明身之累。擁腫世所保。歸去匡山東。松雲可娛老。

淮陰祠

朝登韓信城。暮謁淮陰祠。荒祠屋瓦落。古木聲差差。當時握漢兵。劉項交相持。舉足有輕重。不負高帝知。區區假王封。何足遽見疑。全齊七十城。寔為陷井機。盧縮且稱王。恥與絳灌隨。君常猶快快。握手逢陳豨。事起倉卒間。不意咸誅夷。呂后固不仁。鄧侯亦忍為。先王重報功。無乃此道虧。至今淮水南。落日啼鳥悲。津頭有漂母。一飯竟哀誰。

徐賁

古離別

清晨戒嚴裝。送別河之干。北風塞上起。黃沙浩漫漫。冰雪日以繁。徒旅日以寒。不悲道路遠。所愁衣裳單。從行義不可。徒使摧心肝。流光信奔馳。君歸有時待。但惜少年去。坐令顏色改。

倪瓚

懷古

仙人悲世換。宴景在清都。寒暑自來往。英雄生鈞屠。錢塘江畔柳。風雨夜啼烏。

明詩正聲

卷之一

四

奎文館藏

楊維禎

要離塚

金昌亭下路。春艸沒荒丘。云是要離塚。令人千古愁。
侏兒三尺幹。不佩雙吳鉤。中包猛士膽。白日照高秋。
忍灰屠骨肉。視身若蜉蝣。荊刺不了恨。慶忌成身謀。
如何五噫客。死與爾同仇。

劉基

雜詩

冲霄難為羽。泛海難為舟。縛羊駕戎輅。猛志空悠悠。
農時失耕耨。何以望有秋。決藩盜菽粟。鷹隼不如鳩。

韶華不我與。去若川水流。歲暮獨彷徨。亶亶懷百憂。

六月十八日自天章入城作

天淨山氣涼。溪渾夜來雨。籃輿度疎翠。初日照平楚。
高林半長烟。好鳥時自語。煩襟得蕭散。似欲忘羈旅。
何當盜賊息。比屋豐禾黍。逍遙丘壑間。鹿麋以為伍。

旅興二首

窮巷屏人跡。開門見青山。青山似故鄉。客子何當還。
蟋蟀日夜鳴。綠樹亦已殷。白日駛西征。浮雲不可攀。
安得生羽翼。奮飛出雲間。

雨來羣山暗。雨過羣山明。山明猿鳥喜。山暗猿鳥驚。
歲暮陰風起。白日西南傾。寒蟬枝上號。阜螽州間鳴。
人生非艸木。能無感中情。

林鴻

感秋

撫劍中夜起。氣候何凄清。天高白露下。北斗當前楹。
嗷嗷雙飛鴻。隨陽亦宵征。微禽爾何知。寒暑嬰其情。
始知玩物化。中復念吾生。二十志有立。一經尚無成。
緬懷古哲人。信與大運并。道在無終始。時來暫衰榮。
感嘆不能寐。延首東方明。

富春釣臺

維舟富春渚。舒肅登崔嵬。不見羊裘人。空餘垂釣臺。
苔色石上古。秋聲松際哀。清風猶可仰。落日滿蒿萊。

金鷄巖僧室

遠公青蓮宇。百尺構雲闕。一徑入松蘿。山泉濯苔髮。
石房彈玉琴。清響在林樾。夜來滄海寒。夢遶波上月。
微吟白雲篇。高興了未輟。未能悟聲聞。安得離言說。

秋夜憶周模

傾蓋一分手。沈思長在襟。况茲離居夕。復此秋城砧。
露下葉初落。艸根蟲又吟。雖云感物候。終念曠幽尋。

明詩正聲

卷之二

七

富春

劍水東南流。故人千里心。無因達天素。夢遶青楓林。
寄龍大潛效韋體

夙負偃蹇志。其懷林下心。誰言塵事縻。以茲曠幽尋。
夏火方云始。索居念朋簪。薄攜一樽酒。命駕來城陰。
湛湛晨河流。依依嘉樹林。晤言有時閒。揮觸共鳴琴。
久要或可冀。希哲信難任。君懷諒不乖。惠我瑤華言。

高棟

鄭二宜董七珙為別頗久暮秋之夜聯珮在

顧山齋分韻志別得稀字

孤雲與獨鶴。千里悵悠悠。時因長風吹。雙落碧海頭。

鄭戾念長違。董子經時別。幾望西南天。孤吟嘯臺月。
昨日放扁舟。輟棹三江流。中夜造我語。片言解離憂。
逸興橫素襟。吐辭若流水。揮杯對黃花。兀然不知醉。
歡樂情未極。復此成分飛。矯首秋風外。徒驚蕙艸稀。

顧瑛

看雲

青山與浮雲。終日淡相守。山為雲窟宅。雲為山戶牖。
無心成白衣。有意變蒼狗。人情亦如雲。寄與看雲叟。

姚廣孝

送護西堂還武林

昨朝武林來。今朝武林去。流水與行雲。何曾知去住。
鴈送秋風帆。蟬鳴夕陽樹。悵望天東南。青山渺何處。
送友人之松江得曙字

潮來沙磧平。月落海門曙。汀蒲轉風葉。堤柳搖烟絮。
江頭春可憐。天涯人獨去。有歌送君行。無酒留君住。
雪浪沒沙鷗。雲帆出江樹。回首讀書聲。青山不知處。

王偁

入西山訪張隱士

西崖噴飛瀑。結屋煙蘿裏。出入不冠屨。客至同隱几。
獨鶴海上歸。孤雲澗中起。淨掃白石床。風來墮松子。

水亭夜懷黃八祭林六敏

孤亭水雲深。入境自幽絕。七絃罷鳴彈。桐陰初上月。
偶酌尊中醪。高臥望雲闕。荷露清角巾。松飈濯毛髮。
寥寥天籟寒。吟詠了未輟。志偕南阜隱。興藉東山發。
同心念離居。中夜思超忽。

王綬

送楊得昂

我適桑乾歸。君猶五溪去。飄流若萍梗。何由復相遇。
迢迢江上山。歷歷烟中樹。後夜月明時。相思渺何處。

丘濬

擬古

依依重依依。不忍生別離。別離已可悲。況值秋風時。
柳衰不堪折。情悲不堪說。願妾爲小星。君身化明月。
明月青天飛。小星恆相隨。月出星亦出。月歸星亦歸。
莫學秋胡妻。相逢不相識。生者固可慚。死者亦何益。

吳寬

秋日間居

委巷寡人跡。杳無塵俗侵。虛窓對高樹。日午落疎陰。
玄蟬響方斷。好鳥復一吟。俯首閱陳編。直窺古人心。
抱沖世味薄。處寂佳境深。涼風滿衣袖。自起彈吾琴。

琴聲和以暢。永日有餘音。

李東陽

寄王丹徒公濟

美人別我來。贈我冰絲絃。絃直似君操。絃清似君言。
一彈不成調。再鼓不成歡。舊曲不復記。離愁莽無端。
山高水復遠。君去何時還。我琴不必工。雖工向誰彈。
古人知音少。今人知音難。

顧璘

客居雜言

蹌蹌都城隅。流雲泛春陌。餘寒散林莽。芳辰佳色。

賴此清樽酒。慰我遠遊客。獨酌臨高堂。清吟遲羣月。
贈黃秀才省曾見訪

負病伏園廬。秉耒顧微養。藝苑既荒落。賓階緬虛曠。
黃生大雅流。金玉振高響。念我來何遙。澄江進吳航。
霞裾沉秋塵。羽爵洽朝餉。披襟神借暢。折疑道彌廣。
繾綣淹旬留。契合終古賞。臨岐重解纜。并立增惋悵。

王九思

北遊

僕夫夙嚴駕。日予徂渭陽。出郭縱遐眺。原野何茫茫。
是時春氣浮。雪融塵不揚。條風應候至。征鴈復北翔。

汨汨水泉鳴。岸柳柔且黃。感茲悅心意。寧知道路長。
因思在環堵。俛仰徒面牆。安得長出遊。撫景以徜徉。

康海

送袁解夫還盤屋

吾愛袁解夫。飄飄古往客。勁風凌千人。高情協金石。
雖爲羣小排。豈繫丈夫厄。自古浮天雲。焉能蔽白日。
酌酒發浩歌。憑君永今夕。

和六甥石室納涼

老境百慮息。所好在山林。況此洞室闕。塵氛安可侵。
開簾見芳碧。迤邐聞鳴禽。因之感宿好。笑歌梁甫吟。

丈夫志四海。何人識此心。所以夷與惠。曠世懷高襟。
日夕涼風發。逸興拂西岑。沽酒共斟酌。慚無絲竹音。
掃石臥烟霧。聽子廣陵琴。

王守仁

去婦嘆

楚人有間於新娶而去其婦者其婦無所歸去之山間獨居懷絕不怠終無他適了聞其事而悲之為作去婦嘆

空谷多凄風。樹木何蕭森。浣衣澗水合。採苓山雪深。
離居寄崑穴。憂思托鳴琴。朝彈別鶴操。暮彈孤鴻吟。
彈苦思彌切。嶮岘隔重岑。君聰甚明哲。何因聞此音。

王廷相

燕中懷古 軒轅臺

日出北平甸。隱隱川塗分。南臨古帝臺。悵望遙天雲。
不見廣成子。空懷赤霞文。鼎湖龍化久。千秋竟誰聞。

詠古

智士炳幾先。愚人守常調。存凶在須臾。事變徒悲悼。
雷侯人中英。頗亦識天道。知明守其暗。無欲觀其妙。
儲危不可諱。悟主來四皓。辟穀從赤松。寂寞豈做好。
握此靈珠光。消息合大造。淮陰吁昧矣。竟為百世誥。

別後再贈德涵

浮嵐昌晴嶺。驚風振華林。枉節迴峻坂。高興出遙岑。
層丘既窈窕。鬱木亦蕭森。君子薦芳酌。晤言開素襟。
憂時富危論。探道生遐心。悲帝蒼梧遙。弔屈湘水深。
嗟予秉幽尚。及茲成滯淫。徒擬孫公嘯。猶帶鐘生音。
事變靡常塗。達機古所欽。陶令恥折腰。二歎歸來吟。
栖栖茲倦遊。邈矣行拙簪。

赤壁亭宴集謝蔣子胡子

適志在五林。所嗟嬰官籍。雖偶登嶽謠。終爾煙霞隔。
日來有所期。蘭尊荷時哲。虛館俯江郊。况覽豪賢跡。
鳴雷輕隔浦。涼風近將夕。遊禽屬啁啾。落木方戚戚。

瑤州不堪贈。佳人徒良覲。遠心入洞庭。曠覽狹黃髮。
事往情彌牽。年衰感易迫。已悲王子車。終返原生宅。
賞心非外慕。懷賢亦屢積。且逐俄頃歡。爲君謝行役。

華察

遊善卷碧仙崑

落日下空門。齋鐘出林莽。偶茲叩精廬。再宿翠微上。
舊遊不知處。但見松杉長。崑虛露氣清。坐覺心魂爽。
月白山隱高。夜靜風泉響。遂令帝寐中。超然脫塵網。
雲壑永可棲。願言稅歸鞅。

夏日山中述懷

翹來暮恬曠。適意在罷官。取涼喬林下。晝日恆不冠。
白雲滿前峰。曳杖行獨看。有時遇鄰叟。烹葵共邀歡。
山田固云薄。歲入亦自寬。達人貴止足。吾生永相安。

秋日觀稼樓翹望

日出天氣清。山中悵幽獨。登高一眺望。風物素以肅。
流水映郊扉。炊烟散林屋。秋原一何曠。薄陰翳叢竹。
時聞鳥雀喧。因念禾黍熟。悠悠沮溺心。千載猶在目。

秋日施子羽姚山人見過

掃徑秋色佳。衡門遲來客。山厨薦園蔬。戀賞淹日夕。
荒臺陰叢桂。徙倚對崑壁。夜靜人意閒。潭空月華白。

信宿愜所期。去住欣自適。養生慕彭聃。學道窺莊易。
願言保微尚。歲晚成三益。

明詩正聲卷之一 終

明詩正聲卷之二

漆園 穆光胤 仲裕 刪訂

澶淵 陳素蘊 仲獻 校刊

五言古詩二

李夢陽

雜詩六首 述感九首

嶽嶽雲中電。流光西北馳。僕夫夙嚴駕。吾欲遠遊之。
出門履微霜。四顧何茫茫。豺狼當路逵。鳴鴉薄雲翔。
改轍理方舟。欲逝川無梁。俛仰歲將暮。愴惻涕沾裳。

二

西國有佳人。獨立青雲端。容豔若桃李。左右佩芳蘭。
含思理玉琴。泠泠一何閒。夏節有餘悲。曲終再三嘆。
借問嘆者誰。中意難自宣。沈吟攬衣帶。仰視鳴鶴翻。
思阻壘不申。何況隔丘山。

三

稅椽蝕以傾。梁棟誠獨難。流言播四國。周公有疑患。
京飈激頽景。奄忽不可攀。衆羽日續紘。朱鳥戢其翰。
殺身苟無益。去去從所安。傷哉式微詩。千載起余嘆。

四

明月照我懷。耿耿殊未已。霜雪委如山。悲風中夜起。
攬衣仰天嘆。涕隕不可止。下生抱荆玉。捐軀剖終始。
青蠅倏來集。白黑反在此。城闕屹九重。浮雲日千里。
我欲竟此曲。此曲悲且苦。

五

妻霜變為電。一氣歛而藏。天道有代謝。人謀豈恒臧。
北杓酌元化。亭亭自低昂。上帝棲紫宮。衆緯錯以行。
謂山蓋高有梯可陟。謂淵蓋深有舟可涉。自非雙黃
鵠。天路安可躡。

六

茅以韜為席。栢以勁為薪。君子憂治世。愚者幸不辰。
張宜以待免。雉也菑其身。物理雖云殊。雁脫各有因。
浮沙卷奔蓬。朔吹揚驚塵。日暮臨大道。悵望曷能陳。

雜詩

昔有玩世士。乃處匡山阿。其人久已暝。春林發煙蘿。
故址栗里旁。見者不忍過。荷鋤豈不苦。刈薪行且歌。
詆毀日來加。醉酒良靡他。沈冥在一時。千載固難磨。
小兒為督郵。磔折將如何。

轅駒嘆

世徑互險夷。富貴安所需。昔為櫪中駿。今為轅下駒。

白日仰悲鳴。青雲立踟躕。未蒙主人顧。何由効馳驅。

朝思碣石津。夕踈流沙隅。常恐侶凡寒。棄捐中路衢。

詠古鏡

熒熒堂中鏡。皎皎懸秋月。籠移明與奪。勢滿光仍缺。
美人昔提攜。拂拭生皎潔。用以奉君子。義投物不忽。
良無刮磨費。豈謂遽乖絕。悲故情自滿。爭妍道所究。
掩抑經冬春。燕蝕怨芳節。黃鳥及候吟。朱蘭有時歇。
惟移準運理。顯晦遵前哲。顯晦亦何憐。所嘆在乖別。

俠客行

效初唐體四首

幽并豪俠地。燕趙稱悲歌。千金求駿馬。萬里向交河。

公卿贈寶劍。君王賜玉戈。捐軀赴國難。常令海不波。
從軍行
棄家從上將。報主掃胡戎。弩滿常隨月。旗翻數起風。
右指昆邪盡。左盼月支空。馳名紫塞外。開府玉關東。
不逢百戰日。誰識萬夫雄。

出塞曲

單于寇邊城。漢將列長營。旌旗蔽山谷。鉦鼓晝夜鳴。
乘我浮雲騎。鼓我明月弓。奇兵左右出。長驅向雲中。
彭彭陣結虎。颯颯劍浮虹。一戰臯蘭滅。再戰沙漠空。
歸來獻天子。長楫不言功。

呂仙祠

孤遊逢呂跡。永迹感盧生。春被炊梁術。契我遺世情。
蒼山故國道。落日邯鄲城。陰陰祠宇夕。宛宛曲池清。
不見金芝侶。誰聞朱鳳聲。田鼉穴桂壁。野葛蔓松楹。
寧知往來者。不是寐中行。

贈甯氏 寄贈九首

白日何冥冥。送子黃河陽。執手無一言。仰見雙鴈翔。
處卑心因怡。奮飛多中傷。撫劍兩踟躕。低頭涕沾裳。
天運有銷盈。志士懷剛腸。去去愛景耀。離別固其常。

長歌行贈房氏

捷步競先鳴。達人貴沈幾。鴻鵠翅摩天。於世常高飛。
煌煌冠蓋朝。踈也乃獨歸。誰云傷秋子。而為鱸魚肥。
彼哉粉榆儔。豈知千仞輝。

別李氏

逸禽恥淹棲。良駟競先步。出門有行游。諸所豈得顧。
辭燕戀舊壘。渚鴈企高鶩。情離誠有悴。心期固其素。
匪無復僮子。新人不逮故。踟躕野飈夕。分手卽前路。
烈士有心許。佳人重情歡。投義既不易。識者良獨難。
清秋理瑤瑟。為君發高彈。一曲未云亂。仰視孤鴻翔。

贈梅國子

一舉挾千里。再舉青雲端。我欲從之逝。祇短亦不單。
聲影中藏之。儻按排風翰。

衛上別王子

稅車朝歌里。送子輝水陽。羣鴈起高飛。凌風各分翔。
敦交多故懷。況乃憂故鄉。征夫愁日短。去馬知路長。
童童孤生栢。結根南山旁。願言良木此。栢遺我心當。
良無白鵠翼。何以得高翔。

寄題隴州閻氏林亭

出處信不易。卜築豈在遠。聞君壯年日。頗此遂仰偃。
創基倚北阜。開窓面層巘。雜樹莠蓊蔚。長流澗清淺。

跡異願不隔。路阻日遂晚。愉悅各殊趣。幽意不逮顯。
春風翻深谷。裊裊萬葉展。代耕與灌園。垂老付所遣。

憶昔行別閩侃

憶昔少年時。遨遊咸陽都。邂逅塵埃裏。相邀入酒壚。
半酣擊劍起。挾彈青門隅。風逢離本根。奄忽浮雲徂。
聚散良靡期。晤言誰復圖。濛濛零雨辰。悠悠梁園途。
翩翩白馬鳴。藹藹朱華敷。昔逢美姿顏。今也白頭顱。
中藏難遽宣。相看但村鬚。前路浩崎嶇。愛此衰暮軀。

田居左生借二季見過

習宦非我長。官久計轉拙。遭斥還田廬。獲與初念協。

樹藝良有期。農事固堪悅。飄飄緣原風。晶晶明川月。
披襟恣吾適。既夏不知熱。回思行役日。寒暑靡得輟。
踈懶古雖鄙。任性亦可說。膏疇矧豐蔚。積潦復妻列。
白日皎在茲。停雲靜如結。為謝二三子。努力慰衰劣。

七夕遇秦子詠贈

皎皎河漢月。照我西南樓。七夕遠賓集。置酒城東陬。
展席對雙星。盈盈隔中流。艷艷靚妝女。欲濟無方舟。
神爽即易合。茫昧竟難求。明明君子德。寡灼誰為仇。
豈無採唐約。失身良見尤。人生信齟齬。世事良悠悠。
不見古時人。皓首猶公侯。葵藿不餓死。富貴安可謀。

願繫場下駒。盡我盤中羞。我今爲秦聲。子也當吳謳。
酣歌達清曙。臨分贈吳鉤。

廬山秋夕

登臨五首

山壑寒氣早。日夕風色駭。火流桂將歇。霜至蕙艸隕。
蟋蟀集澗館。禾委被疆畛。感物憂自攢。排遣情詎忍。
年徂身與衰。時棄世所哂。躊躇夜不寐。起坐萬念軫。
崖傾月西流。嶂曙松猶隱。嗷嗷露猿啼。行行采芳菌。

望湖亭

來登望湖亭。始盡覽歷妙。布席倚嵒歎。波壑領佳要。
山花落天境。鉤簾巨魚躍。崑潭遊隱見。圓浪浴奔峭。
叱。嶽。百。萬。閣。日。落。展。光。耀。羈。縛。阻。延。放。臨。淵。羨。孤。舸。
霜寒皎茭白。沙颺鵝鷓斗。吾非阮生倫。於此亦長嘯。

呂公洞

厓根豁一門。惟石霜撐柱。筓紆自吞啣。白盡亦風雨。
陰處汎清泉。積苔陰鍾乳。往聞茅山勝。夙慕華陽主。
路澀限孤往。倏歷十寒暑。經且騁心目。小憩偕道侶。
茲洞雖入境。固足託茅宇。惕然忽內咎。我何戀簪組。

鏡光閣

我生走紛境。性意苦不適。揭來鏡光遊。不覺祇樹夕。
鳥藏丹閣暮。蕭槭柿葉赤。杳如造崑崙。窅聞其寡人迹。

其王戴金冠。天子之所客。牙我簷。葡萄下。坐我紅罽席。
落日入虛牖。窈窕雲光白。團團石蓮燈。照耀錦繡壁。
忽聞鈴磬發。轉悵俗務通。靜躁本殊科。利義各有癖。
伊余竟何爲。奔併阻行役。乞君摩尼珠。一照幸不惜。

良嶽十六韻

城北三土丘。揭嶂對堤口。黃蘆莽瑟瑟。疾風鳴衰柳。
云是宋家嶽。豪盛今頽朽。我聞帝王富。東京實罕有。
鑿池通嵌竇。移山媚戶牖。岌業樓觀合。歛吸風雷走。
巖陰翡翠吟。海窟蛟鼉吼。燕趙務麗人。搜剔充妃后。
君臣互沈湮。斯道詎能久。嗚呼花石費。銖銖盡官取。

北風卷黃屋。此地竟誰守。迢迢五國城。二龍回其首。
向使任忠良。邦國得滅否。今來值寒暮。悲歌坐林藪。
狐狸竄古壘。破瓦沒藜莠。孤城峙我前。蒼蒼日將酉。

山中 間適六首

山中雨乍歇。一夜瑤州長。風吹翠巖竹。下應石瀨響。
時來展書坐。悠悠絕塵想。

田園雜詩

朝陽暖秋水。凝露未卽晞。翩翩啄榴鶯。自鷺集復飛。
衆穡旣登載。我事亦漸稀。晨興坐東牖。兀然對紅薇。
嗷嗷一白鶴。北逝將疇依。忍茲稻梁辰。而汝甘長饑。

二

大車行棘棘。小車響額及。隨分各有營。急者稼與穡。且出在田野。日入未遑息。長陰下西夕。蕭颯起寒色。雲霞變彩氣。照我桑麻國。立看勞者歸。露濡徑不濕。

二

野清雲氣滿。場功亦云畢。收穫雖有殊。大小各盈室。感茲狼戾年。追念憂苦日。紛然貪其饒。妻子孰違佚。歲工借寒熱。人事坐勞逸。蕭蕭原野霜。何州不垂實。

四

壯時掉塵鞅。老乃卽農務。值茲田事終。怛然感霜露。

原春日以歛。林華不守故。嚴霜淨游氣。翔鵠在天路。鷓鴣在躍逢。高啄食不滿。嗔而予。竟何言。飯牛髮今素。

五

田居亦安娛。患者寡朋仇。農談或時歇。仰視蒼雲流。青衿者誰子。道言卽我謀。開尊向圃場。剝棗充盤羞。物小意固勤。鴈旣情仍留。晶晶遠天色。秋場下林丘。

何景明

艷曲二首

御溝連上苑。大道接平沙。紫陌三千騎。青樓十萬家。城中楊柳樹。風起暮飛花。

明詩正聲

卷之三

七

卷之三

二
翩翩五陵兒。藉綺冠華簪。常懷雙寶劍。詎惜千黃金。
馳馬章臺下。紅塵不可尋。

仲春雨霽出遊郊麓覽物敘懷與言自歌三首

旬陰豁初霽。臨眺城西洲。泱泱松上溜。潺潺石間流。
積霖晦平陸。春雲彌崇丘。眷彼農人談。寫我終歲憂。

二

崔嵬南山郭。死彼沙上道。何葆赴脩桐。采萍涉流潦。
懷賢顧已後。適已每不早。緬茲山中人。含念鬱中抱。

三

舉目怡清和。周覽究昏晝。衆壑積庭階。橫峰羅戶牖。
攀林摘叢穎。越巘采孤秀。日暮天際雲。忽與飄風邁。

遊西山

鬱鬱西山岑。遙遙山上阪。俯觀清澗沔。仰覩白雲返。
處世一何促。誰能遂仰偃。夷齊歸首陽。黃綺在商巘。
此道久不復。斯人苦難挽。振衣謝塵塗。吾駕日已遠。

遊魯山城南舍

溪竹日亭午。暑氣稍見侵。脫巾坐芳艸。前有嘉樹林。
白雲澹清景。綠葉垂繁陰。喜無鳴蟬聒。幸有好鳥吟。

久厭區中緣。撫茲意彌淡。浩歌答良友。聊用開吾襟。
自武陵至沅陵道中雜詩

山溪多樹木。百里人民稀。時有四五家。茅茨隔山陴。
沙田不可耕。何以禦歲饑。門前數畝園。秬收蓬與藜。
平明出汲澗。薄暮始得炊。童稚那敢出。但畏逢虎羆。
艸黃納冠采。桑綠催官絲。嗟爾遠方人。辛苦誰具知。

贈李獻吉二首

東風吹我衣。白日何杲杲。整駕出郭門。脩塗浩橫潦。
登山采幽蘭。日暮不盈抱。采之欲何為。遺我平生好。
豈無艷陽花。言子好香艸。丈夫有本性。安得不自保。

寸心苟弗移。可以鑑管吳。

烈女守閨室。憂日懷寸心。橫琴寫妙曲。繁商激陽林。
悠悠行路子。誰為識其音。人生處世間。貴在相知心。
所以采薇士。其餓西山岑。

送崔氏

疇昔衣冠士。同遊若雲爛。懽懽未及終。存凶在轉盼。
凶者長沈埋。存者各飄散。俯仰天地間。念之一惋嘆。
出門送我友。言返故鄉縣。登高望古疆。河衛浩以漫。
山川白日冥。匹鳥鳴相亂。愴惻懷征途。令我腸中斷。

二

飄飄山上葛。纍纍田中瓠。苟非同根蒂。纏綿安得固。
 人情易反復。結交有新故。嗟哉夙昔好。華葉在中路。
 明珠倘無因。按劍不我顧。淡言匪由衷。白首為所誤。
 亮君勗因德。永副平生慕。

贈梁宗烈

飄風頃刻至。征雲萬里游。與子非風雲。欲遵良無由。
 川途限山海。音問逸中州。升高望廣域。極眺滄溟流。
 浮烟隱榛樹。白日蔽岑丘。飛鴻不我顧。逝鵠不我留。
 寧無輕舟志。浩渺安可求。桂樹茂炎嶼。芝艸翻靈洲。

獨處慕朋侶。攀贈誰為爾。倘荷哀眷言。慰此平生慕。

惲功甫悼亡

芙蓉望秋零。幽蘭歇芳早。不作雙頭花。翻為斷腸艸。
 戚戚懷所思。悠悠感衰抱。睠茲白髮心。窮年以相保。

徐禎卿

古意贈劉子

空為郢中客。不見郢中吟。美人高堂上。自奏山水音。
 帝子葬何處。瀟湘雲正深。寂寥誰共賞。江上獨傷心。
 江夏題王太守城南精舍

林步不覺遠。溪流隨興長。悠然澗竹裏。獨往綠蘿莊。

山色佳南郭。平疇連北堂。野人來荷鋤。蠶月百艸芳。
寤。愜。白。雲。賞。載。諸。叢。桂。章。垂。楊。足。池。鯉。閒。牖。有。壺。觴。
念此牽情性。何勞緇素裳。

署中贈顧與成別因用李獻吉

芳辰奉良會。高署散重雲。檐槐蔚春藹。候禽鳴夕殷。
雖同樽酒意。邈此離緒紛。余指全荆邁。子往越江分。
脩塗美通契。瑤渚惜離羣。李子敦別愛。復爾接慇懃。
朱膏坐流耀。篇翰鬱騰芬。投瓊軫遙念。嗣聲慚靡文。
幸保千金願。夙譽浩相聞。

邊貢

入罐石口

西登罐石口。鳥道不盈尺。連山樹如繡。雲中日將夕。
不聞樵采音。但見虎行跡。

別湯子

彈子匣中琴。寫我心曲悲。我悲良自諳。子琴知者誰。
不惜去日登。但恨來日遲。何當假羽翼。送子川之湄。

奉送大司馬華容劉公致仕

靄靄東山雲。覆彼山下堂。乘時播皇澤。從龍稱八荒。
八荒遼且邈。下上以翱翔。龍逝禹湖陰。雲歸故山陽。
何以慰素庶。私哀鬱徬徨。

贈友

春陽初獻歲。芳樹日以青。送遠及近郊。何由申我情。
我情方鬱紆。君駕不可停。瞻彼飛鴻翼。聯翩共遐征。
奕奕雲中河。爛爛川上星。中願渺難遂。佇立以屏營。

送別台峰

皎皎中庭月。照此離客顏。序沈會有升。客去何當還。
采采園中瓜。裊裊不可攀。艸木本無知。枝蔓相鈎環。
如何宦游子。岐路長間關。散如蓬逐風。聚如雲在山。
聚散本無期。毋嗟涕潺湲。

孫一元

訪樵者

遠尋山中樵。不識山中路。隔林伐木聲。遙憶林深處。
不語竟空歸。日墮西陵樹。

收菊花貯枕

呼童收落英。晨起牀清露。滿囊贖貯秋。寒香散庭戶。
夜來夢東籬。陶潛死相遇。

雜感

白日下悲泉。瑟瑟寒風鳴。羣芳悴中野。豈不懷孤英。
冥運有興沒。主者亦何情。竭來南榮越。還當抱此生。

一一

大方無袂邪。全德萬物備。白日浴咸池。悠然會此意。
耀耀爭微光。鷲鵠矜小智。欲辨已忘言。滄溟浩無際。

我愛陶弘景

我愛陶弘景。不受萬乘束。挂冠事棲遯。歸來臥空谷。
青山讀玉書。白鶴下高木。乃知怡悅心。長日雲相逐。

紫陽山中徐步

窮。登。臥。孤。松。寒。風。生。杖。屨。幽。人。獨。往。來。鳥。弄。自。成。句。
因。山。賸。得。秋。欣。然。有。餘。趣。片。雨。弄。江。光。孤。雲。起。汀。樹。
望。中。水。似。天。嘯。坐。漁。舟。去。

種松

種松滿崑丘。眼中生蒼鱗。松根化為石。松葉不受塵。
中有結廬者。長年事隱淪。入雲荷長鑿。斲斧青澗濱。
木食有奇志。乃與天為隣。放歌白雲裏。去去空山春。

春日吟

地偏無來往。空亭春正淡。會此淑霽景。花木弄繁陰。
去去散芳躅。風來吹我襟。意得不能語。野鳥啼好音。
條然遂忘倦。盡力還幽尋。纖纖孤月上。遲遲白日沈。
呼來林居子。還當期此心。

雲居子

龍山有高人。結茅亂雲裏。愛雲不出山。自號雲居子。

晨夕食雲腹。眼中綠筋起。十年不見入。偶逢青厓底。
古心仍古顏。相看不作禮。但問何處來。翠靄溼_三區_三屣。
予亦澹忘言。笑拈金鷺_三蕊。

薛蕙

效阮公詠懷四首

朝登古臺上。遙望大河陰。朱明來自南。隆暑倏已臨。
丹霞曜陽景。渥露霑玄林。炎風振層柯。鳴蟬響哀音。
四時代終始。變化遞相尋。盛長固殊昔。遲暮方在今。
感物切悲情。愴歎傷我心。

二

中道遺榮利。趨物喪其真。詘伸難並觀。高尚良可倫。
不見玄廬子。精神已無存。煌煌_命中珠。含此誰爲珍。
富貴焉足求。甘我賤與貧。

三

涼風起中林。槁葉落如掃。徘徊此何時。歲暮一何早。
吾生隨物化。安得不枯槁。惆悵終日夕。延頸望雲島。
榮名非所慕。神明可長保。手把二皇文。五嶽訪芝州。

四

啾啾野田雀。徘徊丘中阿。上飛有鷹鷂。下飛有網羅。
人生誠未易。禍福豈在佗。譽者日已少。惡者日已多。

感彼恭士言。悔恨將如何。

贈張仲修

青青豫章樹。寄生濁水泥。風波摧以傷。不如高與藜。
吁嗟貧賤士。子行何栖栖。昔為猛虎步。今為觸藩羸。
忠信獲罪辜。有願不克諧。英雄一失墟。反覆良可哀。

夕詣郊外

久察積幽抱。端居之懽趣。日夕覽郊園。俛仰增愁慕。
林靜動風飈。川迥來雲霧。征蓬駛且斷。棲鳥驚還聚。
感物悟時變。憂生測年暮。衰顏漸已迫。稚齒誰能駐。
淹留歲方晏。沈吟日云屢。有懷空若茲。無聞良可懼。

除日

悠悠天北運。冉冉日西靡。茲年俄且周。薄暮亦云已。
端居撫辰序。靜言感化理。時來變窮節。事往乖壯齒。
託疾伴長卿。歸田擬平子。處困豈不難。執操良足恃。
瑣瑣旅客志。坦坦幽人履。莊周貴達生。伯陽戒知止。
尚公識損益。賈傅辨憂喜。在昔仰玄訓。于今寤微旨。
卽此怯塵慮。因之蹈靈軌。

明詩正聲卷之二 終

明詩正聲卷之三

漆園

穆光胤仲裕

刪訂

澶淵

陳素蘊仲獻

校刊

五言古詩三

李攀龍

錄別二首

千秋一嘉遇。此別安可知。良時不努力。賤軀欲何爲。
晨風野蕭條。浮雲西北馳。河梁臨在路。遠望令人悲。
游子各有懷。悠悠當告誰。

二
 秋風西北來。蕭蕭動百草。蕩子無室家。悠悠在長道。
 紅顏能幾時。棄捐一何早。對客發素書。零涕復盈抱。
 上言故鄉好。下言故人老。

古詩二首

白石何歷歷。松柏何離離。人生天地間。一日不可知。
 斗酒無常置。良會無常期。沈吟厚與薄。為樂無乃遲。
 宛浴美游戲。冠帶自相隨。宮闕起雲中。第宅羅四垂。
 王侯負貴氣。佳客以盛衰。君但視車馬。攬策振其綏。

三五樓上女。徒倚當雙扉。紅妝妙一世。誰不攬容輝。
 絃歌入青雲。新聲亮所稀。千載為一彈。含意存餘哀。
 知音難再得。且復立徘徊。終日不成曲。零涕沾裳衣。
 三歎令人老。游子何時歸。

代陳孔璋

浮雲肅四野。流飈殷悲音。邊地一何苦。慷慨難為心。
 飲馬長城下。水寒窟且深。白骨撐路出。殺氣駕重陰。
 將建大舉功。干戈日相尋。騁哉書檄馳。縱橫正如林。
 身在記室中。慊慊匪自今。男兒念鐘鼎。誰能常滯淫。

代阮元瑜

高城苦多陰。秋日殊復悲。邊聲薄暮起。但見浮雲飛。
霜氣勁且繁。河漢寒無暉。三星何躑躅。皎月正徘徊。
杯隨西北至。征馬鳴相依。自知從君樂。誰能常不歸。
王世貞

寓懷二首

秋風殺萬物。春氣滋羣苗。何如謝寒暑。不榮亦不凋。
老氏薄聖人。賞罰日曉曉。天地爲之端。生人安不洗。
寄情太始外。恬穆日逍遙。

二

衰周渝王紀。戰伐浩相尋。兵戈無寧緒。詩書故不任。

賈豎亦釣奇。王孫折豪心。片言雙白璧。一字千黃金。
雖非吐哺節。收名良已深。挾瑟華陽宮。朱門日沈沈。
所以逢高士。寧爲抱膝吟。

雜感

朝陽發東隅。羣動借其光。流影忽西頽。萬象亦含章。
誰云涼熱變。遷代固所常。爾日平沙堤。今來禾黍場。
鳥雀戀故枝。車馬依他牆。要知親者短。不及疎者長。
逸矣任生操。吐哉魏其傷。誓紉幽蘭佩。雅誼疇能量。

碧雲寺泉

蒼龍戴其首。日夜漱寒玉。助爾松風聲。借之竹色綠。

時從齋厨下。冷然注空谷。自愛穿雲多。焉知出山濁。
一酌驗斯言。徘徊愴心曲。

別于鱗

置酒前爲別。炙篋理哀絲。中有豔明璫。一八絕代姿。
輕裾紛迴風。自然成蛾眉。色授不能道。婉孌心所知。
彈作雙鴛鴦。流飈忽聞之。含辛上軍去。引領淚沾衣。
時俗慕朱顏。朱顏職爲誰。

寄石大理拱辰

昔我游漳河。遺子結歡好。穆生攜其醴。遂古恣搜討。
及乎承明且。子壯予亦老。朔風吹飛藿。倏忽辭中道。

爲公長苦晚。爲別長苦早。蒲柳不待冬。引分就枯槁。
寄言和氏璧。斯世方共寶。爲照當有時。有光且自保。
助甫遠駕見訪遂成一章情見乎辭

爲歡日苦短。爲別苦日長。與子期燕中。不知幾星霜。
寒枝噪乾鵲。故人發我堂。東風隨裾來。四坐爲芬芳。
繾綣未及申。命酒且盡觴。流塵滿金徽。拂拭薦瑤牀。
彈者志文王。聽者稱望羊。擊楫三起坐。掩抑以彷徨。
安得雙鸞翼。凌雲共翱翔。

貽梁伯龍

喬木竦崩崖。下臨千仞谿。豈不虞傾折。根株詎能移。

回風吹轉蓬。飄飄窮天垂。念此歲云晏。廓落竟焉歸。
 兩墓中未宣。安親已所悲。周道橫豺虎。飭步詎成規。
 君子憂世患。小人偷自怡。恆恐義輪近。為謀不異時。
 唯有貽竹素。可以愜衷期。

穆考功文熙

穆君義俠人。強被名教用。有才思挽俗。信已必違眾。
 愴然悟此身。收為千秋重。方鞭北地足。莫追少陵輕。
 千里在毫髮。遜心敢忘誠。

石給事星

石生昔抗章。擎天動星辰。芬芳一世間。誰能不見親。

論文須論晚。辨才須辨真。肺腑一相披。灼然世無人。
 未央鬱造宵。賴子表嶙峋。慨焉念漳流。淪沒連城珍。

魏郡盧楠

盧生富結撰。揚馬有遺則。及乎為詩歌。雅好在李白。
 春風揚波瀾。浩渺摩所極。仰見朝霞媚。俯見水五色。
 蛾眉一成妬。雄飛鍛其翮。朝奏獄中書。夕為坐上客。
 妻子不殫人。長歌下震澤。

贈石給事拱辰

烈士嬰逆鱗。豈在明月珠。念欲醒睡龍。潤澤四海枯。
 我逢石中郎。白哲好丈夫。韶年入青瑣。玉樹含冰壺。

國語正音 卷之三
氣塞相鹿臣。願行斬馬誅。封事八九條。一一社稷謨。
雷霆橫白日。人鬼在須臾。九關虎豹號。魑魅亦柳榆。
一為藺生叱。萬髮立頭顱。樵摘紛下來。血肉項模糊。
君家鐵如意。欲碎紅珊瑚。微賤何足言。母乃聖德渝。
昨窺中興詔。坐見海寓蘇。惜哉反掌間。迷陽冒天衢。
豈不願良臣。良臣不易圖。構茅漳。休傷天錫萬。歿軀。
朝與牧豎出。夕歸樵父俱。貧無南山田。足拄牛角書。
余本骨體人。為君重踟躕。男兒未蓋棺。各自智其愚。
宇宙大茫茫。努力愛前驅。

李先芳

雜詩二首

駮驥下吳坂。負轅力不舒。神龍委泥滓。不如池中魚。
夜光豈不照。按劍臨前除。燕石一何物。比之璠與璣。
中郎下王粲。臨邛識相如。茲事難再得。懷古空歎歎。
二
貪巧費拙工。拙費巧難成。行止有攸司。順受乃中貞。
北上太行山。駕言遵楚道。持此三善長。去楚日益遼。
壽陵學善步。里人效顰貌。故物已盡失。徒為人所笑。
不如抱義命。從吾素所好。

鈐岡

西行多名山。遙遙望岑麓。夕霽淨嵐霏。千家煙樹綠。叢桂發幽香。寒泉響溪曲。客與蕩輕舟。前波飛屬玉。郊送千韶馬。上作

端居苦無踪。出門見芳艸。遊子久不歸。送客長安路。垂楊夾御堤。初日正杲杲。空聞黃鳥聲。間關為誰好。

田中雜興

夕日扇微涼。灌園古城闕。高槐落清風。玄蟬互鳴咽。藹藹嘉木陰。濯濯寒泉冽。絲蘿鬱葳蕤。丹葩耀巖穴。曳屣獨行遊。攬衣坐林樾。遙遙望白雪。微微見新月。

擬嘲熱客

六月之朔。胡比部見在。以熱相勞。苦因讀晉人程曉嘲熱客詩不佳。

更為新調歌之。三復一笑而去。

玄天降炎德。闔戶如殊湯。之子胡為乎。依依造我堂。倒裳定喘息。但覓水與漿。主人正晏寢。屣勉起相將。亦知屣勉苦。言念自遠方。既見扣所懷。無復短與長。數語未終竟。揮汗各縱橫。縱橫五內熱。賤子實病狂。索我蒲葵扇。開我西南窗。清風苦不來。四壁流朱光。翠屋且不仕。况乃道路傍。馬毛沃如濡。僮僕何倉皇。將子姑就舍。明當傾肺腸。子行甚自愛。斯言非不良。

穆考功 諱文熙

戊辰天津舟中對棋辰石給事作

宸君恥何許。日暮長河流。殷勤執子羊。感慨以綢繆。
飄風西北來。吹我雙吳釣。精光忽以黯。寸心為誰照。
離離澤中艸。沉沉水上舟。感時忽淚嘆。聊爾蓄壯猷。

二

翩翩雙黃鵠。驚風返前林。蕭蕭雲外羽。哀哀空中音。
世事誰蒿日。焦頭咲徒薪。賈傅昔痛哭。漆室時長吟。
震雷蕩四野。幸不催堅金。左儒非所願。尾勉為同心。

三

揚帆洛河灣。舉頭見精衛。終歲銜木石。猛志竟難遂。
澤畔起離憂。長沙多涕淚。千載忠良心。等之豈有二。

薄采幽蘭花。紛珮以卒歲。永願堅金石。可使形神

夏日東園漫興

少年重遊俠。老去始耽幽。開圃傍東門。種瓜擬故侯。
茅茨八九椽。中央起高樓。登樓時舒嘯。凭欄眺遠疇。
禾麻被郊野。槐陰當戶稠。好鳥紛時過。雲光澹不流。
城影落前除。白日下高丘。新月初娟娟。涼風來颼颼。
幽意求自愜。閒情任水漚。歸去不知勉。野雀同悠悠。

石星

折楊柳

河陽二月曉。楊柳搖春暉。攀折寄征人。雙淚不可揮。

君身在絕漠。妾夢聞孤闌。東風如有情。吹送到金微。

少年行

長安多少少年。白馬黃金鞭。英風傾都野。逸興凌雲天。
鬪雞二市上。獵兔五陵邊。烽火清秋急。抽刀尚燕然。

王世懋

遊慧山酌泉次唐人韻

舍舟登蘿徑。停策憩松樾。乳竇何泠泠。臨流歎幽絕。
寺古行跡稀。苔淡石文滅。雙鳥擁春雲。白壺倒山月。
歡餘會有歸。顧景不得發。樹此丘園姿。願屏塵世轍。

盧柟

敘隱二首

仙槎隔溟渤。天漢絕無梁。桂樹含丹葩。瑶艸限羊芳。
我生無羽翰。翻飛不能翔。攬衣步宵月。撫劍臨秋霜。
欲問嚴君平。此事何渺茫。

二

鳳鳴千仞崗。苞彩麗天雲。高士有奇姿。光華揚紫氛。
蘭蕙樹百畹。琅玕植千尋。託跡在巖阿。悲嘯有餘音。
歌終忽不見。杖策為鄧林。

雜詩

丘中有隱士。枯槁不可識。渴飲潁川流。饑餐首陽栢。

薜荔為衣裳。蘭湯沐芳幘。鹿麋戲左右。後狖相牽媒。
朝引洪崖公。暮延浮丘伯。揚袂涉中洲。落英蕩桂楫。
我願從之游。飄忽無跡。佇望立澧浦。颺風起我側。
攬轡回故鄉。白日忽西匿。感彼空冥鴻。翻飛振六翮。

送張嶼山明府轉戶部

詔出彤龍樓。官辭白馬縣。落花飄雲滌。英風廻京甸。
欲射聊城書。解此圍海戰。去去復何言。悲歌振林霰。

王大伾艸堂二首

中堂嘉樂陳。紛華羅錦茵。巴僮激清徵。越女流商音。
一奏驚回飈。再奏生陽春。中人莫云悟。歌者徒勞心。

所以重考槃。永懷嘉樹林

二

嘉樹清且圓。蔭被城南田。層枝棲孤鳳。奕葉鳴寒蟬。
幽人懷澹泊。日夕獨盤桓。桃李雖容艷。蚤落春風前。
何如主人樹。茂育長千年。

雜詩

谿谷饒水霜。幽澤多芳艸。朝燼滋綠輝。夕露發青藻。
芬香披原塗。弱葉亦俊好。佳人殊未來。繁華易枯槁。
悲哉君子心。綿綿在遠道。歲寒見松柏。可以喻終老。

二

高樓有佳婦。窈窕青雲端。左蔭綠桂枝。右紉芳澤蘭。臨流戲珠浦。拾翠游芝田。蛾眉衆所妬。時俗尚無鹽。捐棄逢高中。誰來希令顏。徘徊歲云暮。拂衣聊長嘆。

爾謙四溟

謝客志霞想。揮手絕人羣。朝辭北燕里。暮宿大梁雲。海月照舞席。澄江瀉清漣。遠游憩靈境。奇節冠秋雯。黃鵠思煙侶。長鳴向夕曛。

贈李子理

麒麟出魯郊。商鉏爲不祥。向非孔仲尼。何異犬與羊。所以路傍人。按劍嘿夜光。近時青雲士。豈無魯連子。

氣節苟不申。甘蹈東海水。世人聞此言。棄之如敝屣。投君勿復道。北風吹易水。

俞允文

新秋東郊遊矚

高齋散涼氣。秋郊欣遐矚。矚嶺赴遙波。清風響疎木。日入會田作。荒蹊鉏鉤斷。孤村生夕煙。新苔入鳴犢。歸來無餘物。山月亂簡牘。

謝榛

百花嘆

勝游郭外園。簇簇多芳樹。花似去年花。春來又春暮。

先後總成慶。寧復論新故。榮枯皆有時。非關風雨妬。黃鳥亦可悲。浮生誰自悟。撫景聊醉歌。百竿一流寓。

皇甫汈

郡齋作

雅志懷山樓。復得理山郡。蒼岫入南楹。白雲帶西徑。雖事簿領勞。時與煙霞并。心曠眺既遐。跡沈尋亦近。下車芳載祖。牽牒兩明迅。仁靜樂有餘。拙遲澹無競。命藻爾清暉。濡毫愧靈運。

移官越中初返家園奉答伯兄虞山見寄

薄遊逗京邑。獨往眷長林。如奉越鄉役。因愜故山尋。

曠茲一載別。良晤展斯今。誰謂百里間。猶自邈襟

未結丘中賞。先枉池上吟。曉燕悲稍戢。懷荆慨以深。

花源迴俗轍。蘿徑斷塵簪。且駐稽東駕。雲扉期此心。

宗臣

秋夜寄陸子和

攬衣步前除。白露被高桐。枝葉萎零落。大地回悲風。明月起夕愁。東壁鳴寒蟲。四時一何速。天地無終窮。嗟彼客游子。終歲常飄逢。十月無寒衣。薇藿腹不充。何事不歸來。孤此青桂叢。欲寄尺素書。不見雙飛鴻。

牛渚望謝眺青山

歲暮遠行役。睠此清江湄。顧瞻江上峰。白雲何歲滋。
伊人昔結宇。英詞光陸離。歲月不相待。高踪邈何之。
采采山上蘭。燁燁山下芝。芳菲未終夕。白露忽已滋。
江流漫浩浩。佳人歸何遲。山川無終極。人生會有時。
願言崇遠業。千載與子期。

吳國倫

梧塘山居喜羽玉京兆過訪

女夷暢天和。玄鳥在高木。藜藿夾修渠。垂蘿翳巖屋。
微風自東來。爽氣襲初服。灌園不知疲。臨流飲黃犢。
興至發浩歌。餘響赴空谷。眷我青雲交。迴車訪幽獨。

歡言漉酒醕。佐以山中藪。圖書恣神賞。郊原縱遊目。
石淙鳴樹間。頗勝絲與竹。俛仰從所欣。居然遠流俗。

過嚴子陵釣臺

鼓棹日垂暝。沂流涉驚湍。富春何崔嵬。石瀨清且寒。
蒼蒼兩釣石。千古江之干。攬衣起攀躋。山澤多幽蘭。
昔人秉微尚。披裘隱其端。明月投爲餌。彩虹持爲竿。
避彼龍虎爭。飽此魚鰕餐。帝詔豈不殷。委質良獨難。
願與巢許遊。不著漢吏冠。九鼎爲足舉。雲臺非所安。
我亦倦游子。濯纓此盤桓。偃仰思遐軌。劃焉天地寬。

徐中行

題況比部藥湖書堂

子車戀魏闕。王生臥伊洛。世無蒙莊子。安知濠梁樂。
茲湖信清曠。鴻濛巧疏鑿。嘯嘒既環迴。川渚亦綺錯。
水碧間芙蓉。石華被蘭薄。日蕩絳蛺蝶。飈激紅泉落。
伊昔餐霞人。於焉鍊靈藥。倏忽變紫氣。神理疇能度。
子固清廟珍。藻翰麗丹腹。蟬冕亦云華。胡然慕丘壑。
服食倘不誣。將子翔寥廓。

梁有譽

詠懷三首

阮生歎廣武。陶子詠荆軻。豈知達士懷。感慨更繇多。

飲酣匪甘放。身竄匪術疏。冥鴻游四海。所畏在虞羅。
高車與駟馬。不如南山阿。時議徒紛紛。其如珪璋何。

二

楚楚錄華子。出入銅龍門。綢繆蕭貢交。肝膽金張援。
豪舉頂里閭。飄纓服率軒。廣庭一流盼。咸稱國士恩。
鼎興百年盡。身名復奚論。東海魯連子。拂衣笑平原。
寂寂張仲蔚。逢蒿日滿園。當年既無營。世遠道彌尊。
春花豈不豔。不如樹蘭蓀。秋風起率屋。零落馨香存。

三

逸士慕同調。自昔有求羊。尚子志遐栖。禽慶與翺翺。

川谷莽徑復阡陌亦相望歲晏耕穫餘田父爲舉觴
念彼素心人盈盈天一方倦翼思與林悲鳴戀匹行
緯蕭與貨藥母乃楊孤芳斯人今則違作條申此章

馮惟訥

別詩答萬吳俞王諸子時解陽羨北歸

執手莫悵惆吾將歸故鄉感子歡意促念此別路長
寒商淒薄衣原野被繁霜江濤西南來鴻洞凌舟楫
洲上雙鳴鳥倏欲衝風翔不辭毛羽頽所嗟忽分行
徘徊顧舊渚感激增頽傷

哀逝詩

翩翩雙黃鶴比翼遊青冥雌雄苟不偕抗志長
婉孌水中鳥一夫不再并物性亮有貞况乃斯人靈
顧彼架下琴絃絕流塵生朱絲豈不美恻調難爲聲
感此不重歡歎在竟盈盈

于若瀛

嘯臺

拂衣躡崇崗平臺抗修旒俯視百泉池池靜天在水
雲物鮮晴暉追憶穴居子鸞音振林木一絃揮素几
旣捐肥遯名亦在隱淪士二載叩其端火光貫終始
煙暝萬山靜疇析此默理

李化龍

出師六首

朝登劔閣巔。夕犯錦江濤。錦水下三湘。南紀何滔滔。
峩眉與天連。相對雪山高。壯哉形勝地。自古多英豪。
么麼亂天紀。滿地起弓刀。揚旂沂大江。浪花蹴征袍。
談笑淨蠻煙。南人拜旌旄。

二

角聲中夜起。伏兵犯前軍。霧雨相紛挐。綰結如屯雲。
辨色往赴之。飛劍燿龍文。猛虎嘯谷風。百獸亂其羣。
轉戰三百里。刀血聲相聞。獨取上將頭。飛捷報明君。

三

小小學枝擊。審劍值千金。身為萬夫長。橫槊但長吟。
殺降古有恨。攻城在攻心。子羽格有苗。安用戈相尋。
功成依大樹。不言意獨深。

四

轉粟上高山。遙遙如上天。十鐘致一石。役夫脛已穿。
雨多艸木溼。欲炊突無煙。戰酣易為飽。飲血如飲泉。
雙提血鬪體。獨立萬峰巔。

五

上山每居前。下山每居後。戰如蛟螭搏。進如風雨驟。

敗亦不相援。圍亦不相救。獨身探危巢。單騎追窮寇。
七人何足憐。但願功名就。

六

辛苦破賊巢。殺定日已斜。亂屍相撐柱。平路黑雲遮。
窟塢多黃金。此物屬官家。貪夫恣所取。貞士等泥沙。
行間有盜竊。安用戈如麻。一笑歸田廬。小勝何足誇。

明詩正聲卷之二

終

